

Tematikani butjarlin ani Vinica

Ko 27 thaj 28 juni 2008 b. sine ikerdi bitjarlin ki tema „Pošukar keripe e dialogoskoro maškar i romani etnikani khedin e jekhinenca ki lokalnikani korkoriradžin ani šilali-khamali rig e Republika Makedoniakiri”.

Resarin e tematikane butjarlinakoro sine te zurarel e forme thaj e čhania bašo keripe ničalo dialogo e romane khedinakoro e institucienca ko sistemo, sar thaj te den e šajutne droma baši solucia e pharipangiri e etnikane khedipangiri ko lokalnikano nivo. Ani butjarlin lele than 16 prezententoja tare biradžikane organizacie thaj romane konsiliarnikane grupe tare komune Rankovce, Kratovo, Vinica, Berovo, Kočani, Probištip, Štip thaj Bitola, sar thaj 2 referentia baše minoritetengere pučipa (tari Vinica thaj Kočani). Ki butjarlin facilitacia kerda o Mario Veljković jekhethane e Erol Ademovesa, savo si ko jekh thaj referento baše minoritetengere pučipa ani komuna Štip thaj participante ani programa [Treningo baše treneroja](#) savi so sine implementirime ane fremia e proektoskoro.

Xulipaskoro vakeripe ani butjarlin sine e Ismail Ljuma, prezentento taro Khedipe e jekhinengoro ki lokalnikani korkoriradžin (KJLK). Vov denda potenciripe bašo trubutnipe taro ničalo thaj efektivnikano komuniciripe e institucienca, sar thaj o baro džanlipe e rolakoro e referentengoro baše minoritetengere pučipa ko lokharipe e komunikaciakoro e etnikane khedipangoro e institucienca. Maškar aver, vov vakerda i rola e KJLK-skiri ano autoriziripe e interesongoro e instituciengoro ko nacionalnikano thaj internacionalnikano nivo, sar thaj o džandipe e komisiakoro baše relacie maškar e khedipa, konsiloja e komunengere, o Selikano hakojangoro arakhutno thaj baro numero e biradžikane organizaciengoro save so aktivnikane kerena buti ko pošukar keripe akale komunikaciakoro.

Tari butjarlin sine ando o phandlo lafi te oven organizirime thaj ponadari asavke arakhina ane savengoro pervazi ka ovel kerdi i diskusia baše halia ki romani khedin thaj te ovel reslo kori o keripe e lokalnikane akciakere planongoro ke romane konsiliarnikane grupe. Ponadari, te oven kerde e beršeskere programe thaj i jekh te ovel dendi dži e konsilojae komunengiri bašo inkorporiripe e kotorengoro ano beršeskoro plano thaj e programoja save so ovena aktivirime e romane konsiliarnikane grupe.

I butjarlin organizirinda i Fondacia Instituto putardo amalipe- Makedoniaano jekhethano butikeripe e lokalnikane ofisosa ko proekto taro Kratovo (Regionalnikano centro bašo ikerdo barjovipe Kratovo, anglederutno Centro bašo dendo dumo ko BRO Kratovo).